

LA QUOTIDIANA

FMR Fundaziun Medias Rumantschas, Via da Masans 2, 7000 Cuira, 081 544 89 11, redacziun@fmr.ch



Strias e striuns han fascinà
Avant ina sala fullanada han scolaras e scolars surmirans preschentà in musical plain striegn.[Pagina 8](#)



Ina magra runda
Schluein Glion ha pers il segund davos gieù da la stagiun cun 0:2 cunter Mels ed ha uschia dà or dals agens mauns la promoziun en 2. liga.[Pagina 6](#)

FMR FUNDAZIUN
MEDIAS
RUMANTSCHAS

 **südostschweiz**

SURSELVA

Da quintar ch’in ni l’auter scappi

Ina gronda part dallas alps en Surselva vegnan cargadas quest’jamna. En connex cun l’alpegiaziun ei il tema dil persunal d’alp che maunca adina puspei in tema che occupa las corporaziuns d’alp. *Silvan Caduff*, il president dall’Unìun purila sursilvana di en discuors cun la FMR che las biaras corporaziuns d’alp dalla Surselva hagian saviu pladir la fumeglia ch’ellas drovien uonn. «Igl ei adina empau ina lottaria da survegnir persunal qualificau e che resta sin las alps.» Biaras e biars ch’entschevien sco pasturs seigien buca cunscients che la lavur si d’alp seigi fetg intensiva. Ad interim sappien era ils purs ch’ei seigi da quintar ch’in ni l’auter pastur mondi culla brocca suenter las empremas jamnas, di il president dall’Unìun purila sursilvana. (fmr/mg) [Pagina 5](#)

SURSELVA

Ina dimora nova da laris ch a Sedrun

L’emprema badelada ei stada cuort suenter Pastgas 2024. Sonda vargada, 14 meins pli tard, ha l’uniun Casa Depuoz, sco patru-na da baghegiar, envidau la populaziun al di dallas portas aviar-tas. La Casa Soldanella, la casa da dimora per habitonts impedi, ei ussa aunc a Rueras. En in meins, ils 9 da fenadur 2025, vegn il menaschi denton a bardigliar definitivamein a Sedrun ella ca-sa nova. Quella anfla buna accoglientscha e s’integrescha da ma-niera perfetga el quartier Gonda. Gest sper la casa da scola ei la «Casa Larisch» il niev dacasa per 12 persunas impeditas. Il ba-ghetg ei construìus a moda persistenta. (fmr/abc) [Pagina 5](#)

SURSELVA

Ils hofs da Sogn Martin



Il davos president communal da Sogn Martin, Franz Albin vegn a plaid el film da Beat Manetsch.

FOTO BEAT MANETSCH

Diesch onns ei spari dapi che la vischnaunca da Sogn Martin ha fusiunau cun Val Sogn Pieder. In motiv per *Peter Loretz* da presentar la populaziun e las historias dils hofs da Sogn Martin alla publicitad. Part dalla exposiziun che arva sias portas il ven-dergis proxim a Val Sogn Pieder ei in film documentar da *Beat Manetsch*. Igl gliendisgis vargau ha el presentau sia ovra che do-cumentescha la veta els otg hofs da Gadastatt entochen Maria-ga alla populaziun a Lunschania. Il film dad investa ella veta en ina cuntrada datier alla Surselva e tuttina per ils biars detg giud-via. (fmr/ac) [Pagina 3](#)



L’Uorsin tuorna scu opera immez la sted

L’Uorsin es a partir da quist venderdi in gir tres l’Engiadina e que in fuorma d’üna opera rumauntscha. L’ouvra – chi’d es gnida scritta dal cumponist Marius Felix Lange l’an 2019 per tudas-ch – es gnida tradüta per rumauntsch in occasiun da la Opera Engiadina. Cun sustegn da 15 iffaunts indigens, trais solists professiunels scu eir musicists da la Camerata Puntraschigna tuorna l’Uorsin 80 ans zieva sia prüma publicaziun scu opera contemporauna in Engia-dina – e que immez la sted. (fmr/cam) [Pagina 7](#)

«Nus eran buca pli habels da mantener ina administraziun che funcziunava.»

Franz Albin, l’ultim president communal da l’anteriura vischnanca da Sogn Martin. – Pagina 3

Emprests per abitaziuns favuraivlas

Il program è pulpi – publitar lieus da radar, pli pitschnas pensiuns per cussegliers guvernativs u emprests per abitaziuns favuraivlas. Il Cussegl grond discutescha quest’emna var trenta differents temas.

CLAUDIA CADRUVI/FMR

Adumbatten tschertgar ina abitaziun pajabla era pli baud in problem da citads grondas. Da-pi intgins onns al enconuschan era locatarias e locataris en il Grischun. In zic remedura duai porscher la nova lescha per promover abita-zions. La Regenza propona da sustegnair co-

operativas che bajegian, cumpran u renove-schan abitaziuns favuraivlas cun emprests. La mesemna discutescha il Cussegl grond ils detagls da la nova lescha. Ils emprests recu-monda la cumissiun cun 8 cunter 2 vuschs. Ma contribuziuns a fond perdu per cooperativas – talas aveva la Regenza proponì oriundamain en il sböz – refusa la maioritad da la cumissiun.

Quest punct vegn a procurar per discussiuns tranter l’ala dretga e sanestra. En tut stattan var trenta fatschentas sin la glista da tractandas. Cun la finanzialmain pli pesanta ha il Cussegl grond cumenzà il glinde-sdi: il rendaint e rapport da gestiun dal 2024 nua ch’i va per expensas ed entradas d’enturn 2,7 milliardas francs. [Pagina 2](#)